

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN ETA LURRALDE ANTOLAMENDUAREN SAILA

383/2026 Erabakia, ekainaren 16koa, Foru Gobernu Kontseiluarena. Onestea 2025/2026an oinarritzko lanbide heziketako, batxilergoko, erdi edo goi mailako heziketa zikloetako ikasketak bizi diren udalerritik kanpo egin dituzten ikasle gazteentzako garraiorako dirulaguntzen deialdia

Foru Gobernu Kontseiluak, uztailaren 4ko 33/2017 Foru Dekretuaren bidez, Arabako ikasle gazteei garraiorako dirulaguntzak emateko oinarri arautzaile orokorrak onetsi zituen.

Halaber, Foru Gobernu Kontseiluaren abenduaren 28ko 57/2021 Foru Dekretuaren bidez, Gazteriaren Foru Erakundearen dirulaguntzak norgehiagoka bidez emateko oinarri arau orokorrak onetsi ziren.

Bi dirulaguntza horiek xede eta hartzaile berak dituztela ikusita, aurreko urteetan bezala, unibertsitateaz kanpoko ikasle gazteei dirulaguntzak emateko deialdi bakarra egiteko aukera aztertu da.

Gazteriaren Foru Erakundearen Administrazio Kontseiluaren 2026ko ekainaren 1eko ebazpenaren bidez, Arabako Foru Aldundiaren Gobernu Kontseiluari proposatu zitzaion dirulaguntzen deialdi hau onestea, eta gehienez 55.000,00 euroko zuzkidura baimendu zen, Gazteriaren Foru Erakundearen 2026ko aurrekontuaren kontura.

Deialdiaren lehen atalean zehazten den moduan, laguntza hauen xedea da egoitza duten udalerritik beste udalerriri batera, non ikastetxe publikoak edo itunduak dauden, hirugarren atalean jasotako oinarritzko lanbide heziketako, batxilergoko, erdi edo goi mailako prestakuntza zikloetako ikasketak egitera joan behar duten ikasle arabarren garraioa ahalbidetzea.

Era berean, lehen apartatu horretan, aldundiaren sail horrek laguntza hauek emanez lortu nahi duen helburua aipatzen da, hau da, ikasleak bizilekuz aldatzea saihestea, bizi diren herri eta herrigunean bizitzen jarraitzea sustatuz.

Horregatik, Lurralde Oreka eta Lurralde Antolamenduaren Saileko foru diputatuaren eta Kultura eta Kirol Saileko diputatuaren proposamenez, eta Foru Gobernu Kontseiluak gaur egindako bilkuran gaia aztertu ondoren, honako hau

ERABAKITZEN DUT

Lehenengoa. Onestea 2025/2026 ikasturtean oinarritzko lanbide heziketako, batxilergoko, erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdia. Deialdia espedienteari lotuta geratzen da eta erabaki honen eranskinean jasotzen da.

Bigarrena. "Onestea deialdiaren tarte osagarriari lotutako gastua, 20.000,00 eurokoa, Arabako Foru Aldundiaren 2026ko aurrekontuko "10202. G/441100/48000100 Lurralde oreka garraioa" aurrekontu partidaren kontura."

Hirugarrena. Deialdiari zenbateko gehigarri bat gehitu ahal izango zaio, betiere aurrekontu kreditua badago, eta 50.000,00 euroko mugarekin.

Laugarrena. Erabaki hau ALHAOn argitaratzea.

Bosgarrena. Erabaki hau behin betikoa da administrazio bidean eta bere aurka administrazioarekiko auzi errekurtsua aurkeztu ahal izango da zuzenean Vitoria-Gasteizko administrazioarekiko auzietarako epaitegian, bi hilabeteko epean, argitaratu ondorengo egunetik aurrera. Hori guztia, Administrazioarekiko Auzietarako Jurisdikzioa arautzen duen uztailaren 13ko 29/1998 Legeak 46. artikuluan xedatutakoarekin bat etorritik. Hala ere, nahi izanez gero, berraztertzeko errekurtsua aurkeztu ahal izango zaio egintza eman duen organoari administrazio egintza hau argitaratu eta hurrengo egunetik aurrera hilabete pasatu baino lehen.

Vitoria-Gasteiz, 2026ko ekainaren 16a

Diputado General

RAMIRO GONZÁLEZ VICENTE

Diputada de Cultura y Deporte

ANA DEL VAL SANCHO

Diputada Foral de Equilibrio Territorial y Ordenación del Territorio

LAURA PÉREZ BORINAGA

Director de Deporte

JUAN JOSÉ ROJO BAZÁN

Director de Equilibrio Territorial

JAVIER GORBEÑA GARCÍA

ERANSKINA

2025/2026 ikasturtean oinarrizko lanbide heziketako, batxilergoko, erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdia

Foru Gobernu Kontseiluaren abenduaren 28ko 57/2021 Foru Dekretuaren bidez, Gazteriaren Foru Erakundeak norgehiagoka bidez ematen dituen dirulaguntzen oinarri arautzaile orokorrak onetsi ziren.

Halaber, Gobernu Kontseiluak, uztailaren 4ko 33/2017 Foru Dekretuaren bidez, Arabako ikasle gazteei garraiorako dirulaguntzak emateko oinarri arautzaile orokorrak onetsi zituen.

Gazteriaren Foru Erakundearen Administrazio Kontseiluak 2026ko ekainaren 1eko bilkuran onetsi zuen 2025/2026 ikasturtean oinarrizko lanbide heziketako, batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdi hau.

Bi dirulaguntza horien xedea eta hartzaileak bat datozenez, egokitzen jo da unibertsitaterik kanpoko gazte ikasleei dirulaguntzak emateko deialdi bakarra egitea.

Adierazitakoaren arabera, 2025/2026 ikasturtean batxilergoko edo erdi edo goi mailako prestakuntza zikloetako ikasketak egin dituzten eta bizi diren udalerritik beste batera joan behar duten gazte ikasleei garraiorako dirulaguntzak emateko deialdi hau bat etorritik da aipatutako oinarri orokor arautzaileekin eta hurrengo apartatuetan ezarritakoarekin.

1. Deialdiaren xedea

Laguntza hauen helburua da prestakuntza arautua jasotzeko aukera ematea oinarrizko lanbide heziketako, batxilergoko edo erdi edo goi mailako prestakuntza zikloetako ikasketak egiteko beren etxebizitza duten udalerritik ikastegi publiko edo pribatuak dauden udalerrira joan-etorria egin behar duten Arabako ikasleei. Era horretan, ikasleak egoitzaz ez aldatzea eta bizi diren herrian eta herrigunean geratzea lortu nahi da.

2. Onuradunen betekizunak

2.1. Oro har, tarte orokorraren onuradun izan ahalko dira, eskaera aurrez eginda, honako baldintza hauek guztiak betetzen badituzte:

- a) Eskaera egiten duten urtean 30 urte edo gutxiago izatea.
- b) 2025eko abenduaren 31n Arabako Lurralde Historikoan edo Trebiñuko enklabean errol-datuta egotea.
- c) 2025/2026 ikasturtean hurrengo artikuluan jasotako ikasketaren batean matrikulatuta egotea.
- d) Eskatzailearen ohiko bizilekua eta ikastegia ezin daitezke udalerrri berean izan, eta haien artean ezin daiteke egon 150 kilometro baino gehiago.

2.2. Zehazki, tarte osagarriaren onuradun izan ahalko dira, eskaera aurrez eginda, honako baldintza hauek guztiak betetzen badituzte:

- a) Eskaera egiten den urtean 25 urte betetzea edo 25 urte baino gutxiago izatea.
- b) 2025eko abenduaren 31n Arabako Lurralde Historikoan edo Trebiñuko enklabean errol-datuta egotea.
- c) 2025/2026 ikasturtean hurrengo artikuluan jasotako ikasketa batean matrikulatuta egotea.
- d) a) apartatuko edozein kasutan, eskatzailearen ohiko egoitza eta ikastetxea ezingo dira egon udalerrri berean, eta haien artean ezingo dira egon 65 kilometro baino gehiago.
- e) Garraio txartel ofizial pertsonalizatu baten titularra izatea, hala nola Bat, Barik edo Mugi txartela, edo udalerrri batek sustatutako eta Arabako Foru Aldundiko sail eskudunak baimendutako garraio kolektibo itunduaren edo linearen erabiltzailea dela egiaztatzea.
- f) Ikasturtean zehar ikastetxera egindako joan-etorrien ehuneko 50 garraio txartel publikoa erabiliz egindakoa izango da.
- g) Eskola garraio kolektiboa erabili bada, ezinbestekoa izango da kuota guztiak ordaindu direla egiaztatzea. Joan-etorri guztiak astelehenetik ostiralera kontatuko dira.

2.3. Ezin izango dira laguntza hauen onuradun izan Eusko Jaurlaritzak ikasturte bakoitzerako joan-etorrietarako eta/edo egoitzarako ematen dituen laguntzak jaso dituzten pertsonak, jasotako beka mota edo modalitatea edozein delarik ere.

3. Ikasketak eta eskola aldia

Deialdi honetako laguntzak ikasketa hauetarako baino ez dira:

- Batxilergoa.
- Erdi eta goi mailako heziketa zikloak.
- Oinarrizko Lanbide Heziketa.

Kanpoan uzten dira ikasketa modalitate hauek: beste prestakuntza batzuetarako edo alderdi batzuetarako prestakuntza ikastaroak (oposizioak eta antzekoak), ikerketak, graduondoak eta espezializazioko ikasketak eta urrutiko ikasketak eta, oro har, ofizialki aitortu gabeko edo homologatu gabeko zentroetan eta/edo ikastaroetan egindako ikasketak.

Diruz lagundutako eskola aldia ikasturte bakoitzeko irailtik ekainera artekoa da.

4. Dirulaguntzaren zenbatekoa

4.1. Tarte orokorra:

2.1 apartatuaren barnean diren onuradunentzako laguntzen zenbatekoa kopuru finko bat izango da, eta ikaslearen bizilekua dagoen herriaren eta hura joaten den ikastegiaren arteko distantziaren arabera zehaztuko da.

- a) Distantzia: 40 kilometro edo gutxiago: 200,00 euro.
- b) Distantzia: 40 kilometro baino gehiagotik 80 kilometrora: 280,00 euro.
- c) Distantzia: 80 kilometro baino gehiagotik 150 kilometrora: 400,00 euro.

4.2. Tarte osagarria:

2.2 apartatuaren barnean diren onuradunentzako laguntzen zenbatekoa aldakorra izango da, eta ohiko bizilekua dagoen herritik ikastegia dagoen herrirako garraioaren kostuaren arabera zehaztuko da, ondoko modu honetan kalkulaturik:

– Kalkulu oinarria:

20 urtetik beherakoak, 2025eko abenduaren 31n:

Bizilekuaren eta ikastetxearen arteko joan-etorrien benetako kostua, ikasturtean zehar aplikatu beharreko bidaiarien errepideko erabilera orokorreko garraio erregularraren eta eskariaren araberrako garraioaren frogagiriak aplikatuz kalkulaturik.

Udal batek sustatutako linea edo garraio kolektibo itundua erabiltzen bada, garraioaren sustatzaileak egiaztatutako kostua hartuko da kontuan.

– Finantzaketa ehunekoa:

Kalkulu oinarriaren ehuneko 100, aurrez aurreko eskola aldiko joan-etorrien gutxienez ehuneko ehuneko 50 aipaturako garraio erabiliz egiten duten onuradunentzat.

Gainerako onuradunak:

Bizilekua dagoen herritik ikastegia dagoen herrirako joan-etorriaren kostua, errepideko erabilera orokorreko bidaiari garraio erregularraren emakida publikoen eta eskariaren araberrako garraioaren tarifa ofizialak –ikasturtean aplikatzekoak direnak– aplikatuz kalkulaturik.

Udal batek sustatutako linea edo garraio kolektibo itundua erabiltzen bada, garraioaren sustatzaileak egiaztatutako kostua hartuko da kontuan.

– Finantzaketa ehunekoa:

a) Kalkulu oinarriaren ehuneko 80, aurrez aurreko eskola aldiko joan-etorrien ehuneko 80 aipaturako garraioa erabiliz egiten duten onuradunentzat.

b) Kalkulu oinarriaren ehuneko 50, aurrez aurreko eskola aldiko joan-etorrien ehuneko 50 eta ehuneko 80 artean aipaturako garraioa erabiliz egiten duten onuradunentzat.

– Laguntzaren zenbateko garbia: kalkulu oinarriari finantzaketa ehunekoa aplikatuz lortutako zifrari kenduko zaio tarte orokorrari dagokion laguntzaren zenbatekoa.

4.3. Hainbanaketa.

Aurrekontuan erabilgarri dagoen zenbatekoa ez bada nahikoa tarteetako edozeinetarako laguntzak finantzatzeko, zenbatekoak hainbanatu egingo dira saldo horren mugara iritsi arte.

4.4. Distantziak zehazteko, <http://maps.google.es> web tresna erabiliko da. Horiek kalkulatzeko, errepideko ibilbiderik laburrena hartuko da kontuan.

5. Eskaerak eta agiriak aurkezteko epea

5.1. Eskaerak ekainaren 20tik uztailaren 6ra bitartean aurkeztu ahalko dira hemen:

– Arabako Foru Aldundiaren egoitza elektronikoan, telematikoki gaitutako izapide espezifikoa bidez: <https://egoitza.araba.eus/eu/-/tr-convocatoria-gastos-desplazamiento-estudios-no-universitarios>.

Horretarako, eskatzaileek aldeztu behar dute identifikazio pertsonala eta sinadura elektronikoa ahalbidetzen dituen BAKO edo egoitza elektronikoan onartutako beste ziurtagiri bat, hala nola nortasun agiri nazionala elektronikoa, lizenzia, etab. Informazio hori esteka honetan dago eskuragarri: <https://egoitza.araba.eus/eu/egoitza-elektronikoa/ezagutu-egoitza/nola-sartu>.

Era honetako laguntzak jaso nahi dituzten interesdunek dagokion eskaera aurkeztu beharko dute egoitza elektronikoan eskuragarri jarritako inprimaki normalizatua bete, eta, horrekin batera, 5.3 puntuan adierazitako beharrezko dokumentuak aurkeztu beharko dituzte nahitaez (tarte orokorrerako dokumentazioa, eta, hala badagokio, tarte osagarrirako adierazten dena, baldin eta tarte hori ere eskatzen badute).

Eskaera eta 5.3 puntuan adierazitako nahitaezko dokumentazioa erregistro hauetan ere aurkeztu ahal izango da:

– Gazteriaren Foru Erakundearen erregistroan: norberak edo behar bezala egiaztatutako ordezkari baten bidez, Gazteriaren Foru Erakundeak Gasteizko Jesusen Zerbitzariak kaleko 5. zenbakian dituen bulegoetan, 12:00etatik 14:00etara.

– Administrazio Publikoaren Administrazio Prozedura Erkidearen urriaren 1eko 39/2015 Legeak 16.4 artikuluan jasotako gainerako erregistroetatik edozein.

5.2. Arabako Foru Aldundiaren egoitza elektronikoan eskuragarri dagoen eskaera inprimakia eskatzaileak bete beharko du.

– Ikaslea adin txikikoa bada eskaera aurkezten den egunean:

* Eskatzailea ama edo aita izango da.

– Ikaslea adin nagusikoa bada eskaera aurkezten den egunean:

* Eskatzailea ikaslea izango da.

5.3. Dirulaguntza lortzeko, nahitaezkoa izango da eskaerarekin batera agiri hauek aurkeztea edo administrazioak agiri horiek eskuratzearen aurka ez egitea:

a) Foru administrazioak administrazioaren esku dauden interesdunen datuei buruzko beharrezko egiaztapenak eta kontsultak egingo ditu, bai eta dirulaguntza honen administrazio izapideak egiteko beharrezkoa den beste edozein ere. Hori dela eta, dirulaguntzen eskatzaileei ez zaizkie eskatuko administrazioen artean trukatu ahal diren datuak, baldin eta interesdunak datuak erabiltzearen aurka egiten ez badu; interesdunak aurka eginez gero, hark aurkeztu beharko ditu behar diren datuak edo agiriak. Administrazio publikoek datuak trukatzeko oinarria urriaren 1eko 39/2015 Legearen 28. artikulua da. Izan ere, artikulua horretan ezartzen denaren arabera, herritarrek ez dute zertan aurkeztu administrazio publikoek egindako agiririk, jatorrizko agiririk, aplikatzekoa den araudian eskatzen ez den daturik edo dokumenturik edo interesdunak lehenago administrazioen bati aurkeztutakorik. Gainera, 40/2015 Legeak 155. artikuluan ezartzen du administrazioek lankidetzan jardun behar dutela datu trukean eta herritarrei buruz dauzkaten datuak eman behar dizkiotela elkarri.

Interesdunak aurka egiten ez badu, trukatu ahal diren datu hauek bilduko dira:

– Ikaslea adin txikikoa bada eskaera aurkezten den egunean:

* Eskatzailearen amaren edo aitaren nortasun agiri nazionala.

Ikaslea adin nagusikoa bada eskaera aurkezten den egunean:

* Dirulaguntza eskatu duen ikaslearen nortasun agiri nazionala.

– Ikaslearen errolda ziurtagiria, 2025eko abenduaren 31n Araban erroldatuta dagoela egiaztatzen duena. Trebiñuko enklabean bizi diren pertsonak errolda orria aurkeztu beharko dute.

b) Dirulaguntza eskatu duen pertsonak honako dokumentazio hau aurkeztu beharko du:

b.1) Tarte orokorrerako, bete beharreko eskaerari honako agiri hauek erantsi behar zaizkio:

– Ikaslea adin txikikoa bada eskaera aurkezten den egunean:

* Familia liburua edo, harreran edo tutoretzapean badago, horren egiaztatzea.

– Matrikulazioaren ziurtagiria, ikaslea ikasturtean zehar hirugarren oinarrian aipatutako ikasketetan matrikulatuta dagoela egiaztatzen duena.

– Bekaren bat jaso bada, beka horren egiaztatzea, zenbatekoa eta nork eman duen adierazten dituenak.

– Banku kontuaren titulartasunak bat etorri behar du eskatzailearekin.

– Trebiñuko enklabean bizi diren pertsonen kasuan, ikaslearen errolda ziurtagiria, 2025eko abenduaren 31koa.

b.2) Interesdunak tarte osagarria eskuratu nahi badu, honako dokumentazio espezifiko osagarri hau ere aurkeztu beharko du:

– Garraio publikoko txartel pertsonalizatuaren fotokopia (hala badagokio), hala nola Bat, Barik edo Mugi, edo trenarena.

– Egindako garraio gastuen eta haien ordainketaren egiaztapenak. Honako ziurtagiri hauek jotzen dira baliozkotzat:

I. Erakunde publiko kudeatzailearen ziurtagiria, ikasturtean garraio publikoko txartel pertsonalizatuarekin egindako joan-etorri guztiak jasotzen dituenak.

II. Garraio kolektibo itunduaren kasuan, ikastetxeak edo ikasleen gurasoen elkarrekin emandako ziurtagiria, non agertu behar baitira ikasleak egindako garraio gastu eta ordainketa guztiak, bai eta 2025/2026 ikasturtean garraioaz arduratu den enpresa zein izan den ere. Gainera, onuradunak ikastetxeari edo ikasleen gurasoen elkarrekin ordaindu izanaren ordainagiria aurkeztu beharko da.

– Hirugarrenaren alta egoitza elektronikoaren bidez <https://egoitza.araba.eus/es/-/alta-modificacion-terceros-diputacion-foral-de-alava>, edo kontuaren titulartasunaren ziurtagiria, dagokion finantza erakundeak modu frogagarrian emana. Eskaera aurkezteko foru egoitza elektronikoan horretarako gaitutako izapide elektronikoa erabiltzen bada, nahitaez bete beharko da hirugarrenen alta egoitza elektronikoaren bidez.

5.4. Eskaerak osorik bete ezean edo oinarri hauetan adierazitako agiriren bat falta bada, interesdunari eskatuko zaio hamar egun balioduneko epean falta diren datuak eta agiriak aurkezteko, eta jakinaraziko zaio adierazitako epean agiri edo datu horiek aurkeztu ezean eskaerari uko egin diola ulertuko dela eta, beraz, eskaera artxibatu egingo dela.

Zuzentzeko eskaera telematikoki jakinaraziko da egoitza elektronikoan (abisu bat bidaliko da eskaeran adierazitako mugikorrera), eta haren edukira sartu ahal izango da egoitza elektronikoan (Egoitza elektronikoa: araba.eus, Arlo pertsonala – Nire jakinarazpenak). sortutako espedientearen bidez.

Eskaerari buruz eskatutako dokumentazioa ere egoitza elektronikora (Egoitza elektronikoa: araba.eus, Arlo pertsonala – Nire espedienteak). bidali beharko da.

Eskaera aurrez aurre aurkeztu bada, eskaeran agertzen den helbidean jakinaraziko da zuzentzeko eskaera, Administrazio Publikoen Administrazio Prozedura Erkidearen Legearen 42. artikuluan jasotako moduetan.

5.5. Ikasle bakoitzeko eskaera bat bakarrik aurkeztu ahal izango da.

5.6. Eskaera eta beharrezko dokumentazioa aurkezteak berekin ekarriko du deialdi honetan ezarritakoa berariaz eta formalki onartzea.

6. Aurrekontu erabilgarritasuna

1. Tarte orokorra:

Tarte honetarako esleitutako zenbatekoa 55.000,00 euro da, Gazteriaren Foru Erakundearen 2026ko ekitaldiko aurrekontuko "71100. G/232750/48000751" partidaren kontura.

2. Tarte osagarria:

Tarte honetarako esleitutako zenbatekoa 20.000,00 euro da, Arabako Foru Aldundiaren 2026ko ekitaldirako aurrekontuko "10202. G/441100/48000100 Lurralde Oreka Garraioa" partidaren kontura."

3. Baldin eta, laguntzen kalkulua egin ondoren, aurrekontuan dirurik sobera badago bi tarreetako edozeinetan, kopuru hori tarte batetik bestera zuzenduko da.

4. Deialdiari zenbateko gehigarri bat gehitu ahal izango zaio, betiere aurrekontu kreditua badago, eta 50.000,00 euroko mugarekin. Gehieneko zenbatekoa handitzeko ebazpena ALHAOn argitaratuko da. Dena den, horrek ez du esan nahi beste eskaera batzuk aurkezteko epea irekitzen denik edo ebazteko beste epe bati hasiera ematen zaionik.

7. Ebazpen proposamen txostena

Balioespen batzorde batek aztertuko ditu eskaerak. Hauek izango dira batzordekideak:

- Gazteriaren Foru Erakundetik:

- Idazkaritza Teknikoaren burua edo hark eskuordetzen duen pertsona.
- Zerbitzu Orokorretako teknikaria edo hark eskuordetzen duen pertsona.
- Gazteriako teknikaria.

- Lurralde Oreka eta Lurralde Antolamenduaren Sailaren Toki Administrazioaren eta Erronka Demografikoaren Zerbitzutik:

- Toki Administrazioaren eta Erronka Demografikoaren Zerbitzuaren burua edo hark eskuordetzen duen pertsona.
- Toki Finantzaketaren eta Administrazio Kudeaketaren Zerbitzuaren burua edo hark eskuordetzen duen pertsona.
- Toki Administrazioaren eta Erronka Demografikoaren Zerbitzuko teknikari edo ekonomialari bat.

Batzorde horrek dirulaguntza esleipenaren proposamenaren txostena idatziko du. Ondoren, erakunde deitzaile bakoitzaren gastuak baimendu, xedatu eta agintzeko eskumena duen organoak, bere eskumenen esparruan, eskabideak onartzeko edo ukatzeko ebazpena emango du, gehienez ere sei hilabeteko epean, eskabideak aurkezteko epea amaitu eta hurrengo egunetik zenbatzen hasita.

Bat etorri urriaren 1eko 39/2015 Legearen 45. artikularen 1. apartatuaren b) letran xedatutakoarekin, prozeduraren ebazpenak ALHAOn argitaratuko dira eta argitalpenak jakinarazpen ondorioak izango ditu. Eskaera aurrez aurre aurkeztu bada, bertan agertzen den helbidean ere jakinaraziko da, Administrazio Publikoen Administrazio Prozedura Erkidearen Legearen 42. artikuluan jasotako moduetan.

Ez da izango entzunaldiko izapiderik, ebazpena emateko ez baitira aintzat hartuko eskatzailak aurkeztutako gertaerak eta agiriak baino.

8. Laguntzak ordaintzea

Ordainketak izendunak izango dira onuradun bakoitzarentzat.

9. Errekurtsoak

Deialdi hau eta haren ondoriozko administrazio egintza guztiak Administrazio Publikoen Administrazio Prozedura Erkidearen urriaren 1eko 39/2015 Legeak ezarritako kasuetan eta eran aurkaratu ahal izango dira.

10. Dirulaguntza galtzea

Onuradunek galdu ahal izango dituzte deialdi honetan emandako dirulaguntzak, aldez aurretik espedientea hasita, Arabako Lurralde Historikoko Dirulaguntzei buruzko 11/2016 Foru Arauan eta Dirulaguntzen azaroaren 17ko 38/2003 Lege Orokorrean ezarritako kasuetan.

11. Publizitatea

Deialdi hau ALHAO argitaratuko da.

12. Azken klausula

Oinarri orokorretan eta deialdi honetan xedatuta ez dagoen guztia Arabako Lurralde Historikoko Dirulaguntzen 11/2016 Foru Arauak eta Dirulaguntzen azaroaren 17ko 38/2003 Lege Orokorrak arautuko dute, baita aplikagarriak diren gainerako arauak ere.